
ONARPEN PROZEDURA, BESTE UNIBERTSITATE BATEAN MEDIKUNTZA, ODONTOLOGIA, FISIOTERAPIA ETA ERIZAINZAKO GRADUETAN IKASKETAK HASITA IZANDA 2026/2027 IKASTURTEAN EHUren MEDIKUNTZA ETA ERIZAINZAKO FAKULTATEAN IKASTEN JARRAITZEKO

1. Araua aplikagarriak

- 534/2024 Errege Dekretua, ekainaren 11koa, unibertsitateko gradu ofizialetara sartzeko baldintzak, sarrera probaren oinarritzko ezaugarriak eta onarpen prozeduren oinarritzko arauak ezartzen dituenak.
- EBAZPENA, 2024ko abenduaren 16koa, Universidad del País Vasco / Euskal Herriko Unibertsitateko idazkari nagusiarena, Universidad del País Vasco / Euskal Herriko Unibertsitateko Graduak ikasketetara sartu eta ikasketetan onartua izateko prozedura onartzeko dena 2025-2026 ikasturterako eta hurrengoetarako

Unibertsitateko ikasketak hasita dituzten ikasleak onartzeko prozedura Graduak Ikasketen Gestiorako 2026/2027 ikasturteko arautegiko 11. artikuluan dago araututa.

2. EHUko Medikuntza eta Erizaintza Fakultatearen arautegi espezifikoak **Medikuntza, Odontologia, Fisioterapia eta Erizaintza graduatarako (2026/2027 ikasturtea)**

1. artikulua.- Eskaerak aurkezteko epea eta tokia

Ikastegiak eskaintzen dituen ikasketa ofizialetakoren bat (Medikuntza, Odontologia, Erizaintza eta Fisioterapia) EHU ez den unibertsitate batean –Europako Unibertsitate Eremuko unibertsitate batean zein eremu horretatik kanpokoan– hasita izanik ikasketa horietan EHUko Medikuntza eta Erizaintza Fakultatean jarraitu nahi duten ikasleek espedienteak leku aldatzeko eskaera aurkeztu beharko dute **2026ko ekainaren 11tik eta 30era bitartean**, fakultatearen webgunean izena emateko egongo den prozedura elektronikoaren bitartez (eta bide horretatik bakarrik).

Leukualdaketa bidez sartu ahal izateko, ezinbestekoa da jatorriko ikasketak eta helburuak berdinak izatea.

Eskaerak aurkeztu ahal izango da baldin eta fakultateak mota horretarako plazetarako eskaintza egin badu maila eta titulazio zehatzetarako, Medikuntza eta Erizaintza Fakultatearen webgunean argitaratuko den deialdiarekin bat etorrita.

Espedientea lekuz aldatzeko eskatzen den dokumentazioa eskaera elektronikoari erantsiko zaio, horretarako egongo diren eremuetan. Azaldutakoa aplikatuko da baita unibertsitateko ikasketa ofizialak hasita dituzten eta goi mailako eta errendimendu handiko kirolariak diren ikasleen kasuan ere .

Aurkeztu beharreko agiriak:

1. NANaren edo pasaportearen fotokopia.
2. Lekualdaketa egiteko eskaera elektronikoa, behar bezala beteta. Eskaera elektronikoz gainera, eskaera inprimatu beharko da bete ondoren, sinatu, eta aurkeztu. Bertan sartuta dago sinatu beharreko adierazpena, eskaeran aurkeztutako datuen eta dokumentazioaren egiazkotasunari buruzkoa.
3. Izena modu elektronikoan emateko prozedura fakultatearen webgunean jarriko da, eta irekita egongo da dokumentazioa aurkezteko epean **(2026ko ekainaren 11tik 30era bitartean)**.
4. Hautaprobetako, unibertsitatera sartzeko probetako edo proba baliokideko txartela. Unibertsitatera sartzeko probako (USP) edo proba baliokideko kalifikazioa egiaztatu behar da, unibertsitaterako sarrera nota (USN), halakorik dagoenean, graduari onartua izateko proba espezifikoaren emaitzak, guztiak gutxienez bi dezimalekin (kalkulatutako GON). Proba espezifikoetako gaiak izango dira EHUn webgunean argitaratuko direnak sarbide orokorrerako, onartuta dauden ikastegiko titulazioetan sartzeko (biologia, kimika eta abar).

Unibertsitate aurreko ikasketak Europar Batasuneko herrialde batean egin dituzten ikasleen kasuan, bai eta Europar Batasuneko ez den herrialde batean egin dituzten ikasleen kasuan ere (herrialde horrekin elkarrekotasun hitzarmena izan zein ez), unibertsitatera sartzeko probako kalifikazioa kalkulatu da unibertsitatera sartzeko prozedura orokorrean zehaztutakoari jarraikiz, hau da: unibertsitaterako sarrera nota (USN) izango da UHUn emandako agirian agertzen dena; eta graduari onartua izateko nota (GON) kalkulatzeko kontutan hartuko dira unibertsitatera sartzeko probako onarpen faseko probak (Espainiako edozein unibertsitatetan egindakoak) eta/edo UHUn Gaitasun Espezifiko Probetako kalifikazioak.

Unibertsitaterako sarrera nota ofiziala (USN) egiaztatzen duten dokumentuak ez

- badira aurkezten aurreko pasartean adierazi den moduan, **bost kalifikazioa jarriko da**. Ez badira aurkezten graduari onartua izateko nota (GON) ofiziala egiaztatzen duten dokumentuak, edo graduari onartua izateko proba espezifikoa egiaztatzen dutenak, **nota izango da USNko nota bera**.
5. Zatikako unibertsitate ikasketen ziurtagiri akademiko zehatza (jatorrizkoa edo fotokopia erkatua).

- a) Dokumentu horretan honako hauek agertu beharko dira: **titulazioaren ikasketa plana zein urtekoa den**, gaitutako gai/irakasgai guztien izena eta kalifikazioa, gai/irakasgai horiei dagokien maila eta gaitutako gai/irakasgai bakoitzaren ECTS, kreditu edo ordu kopurua, hala dagokionean.

Europako Unibertsitate Eremuko unibertsitate batean egindako kredituak ECTS ez badira edo ikasketa planak kredituan egituratuta ez badaude, eskaera onartzeko aurkeztu beharko da, orain arte aipatutakoez gain, ziurtagiri bat non adieraziko diren matrikulatutako mailetan oraindik gaitutu gabe dauden gai/irakasgai guztien izena eta, hala dagokionean, gaitutu gabeko gai/irakasgai horien kreditu edo ordu kopurua.

- b) Gainera, ziurtagirian laburbilduta agertu beharko da jatorrizko titulazioan gaitutako nahitaezko gai/irakasgaiaren ECTS kopurua, kreditu edo orduen kopuru osoa, bai eta gai/irakasgai horien batez besteko nota ere, ECTS, kreditu edo ordu kopuruaren arabera haztatua (ikusi beheago).

Europako Unibertsitate Eremuko unibertsitate batean egindako ECTS kredituak ez badira, orain arte aipatutakoez gain, maila bakoitzeko eta jatorrizko titulazio osoaren laburpena aurkeztu beharko da, informazio hau emanda: nahitaezko irakasgaiaren kopuru osoa (gaitutuak eta gaitutu gabek) eta kreditu edo orduen kopuru osoa. Zenbaki horiek erabiliko dira kalkulatzeko lekualdaketa onarpen nota (LON) eta/edo lehentasun nota (LN) eta, hortaz, **aurkezten ez badira, ezin ezingo da tramitatu eskaera**.

Kredituan egituratuta ez dauden ikasketa planen kasuan, kreditu baliokideak honela kalkulatu dira: 10 ordu kreditu bat izango da eta, ordu kopurua agertzen ez bada, urteko irakasgaiak 12 kredituren parekotzat hartuko dira eta sei hileko irakasgaiak 6 kredituren parekotzat.

Espediente akademikoaren batezbesteko nota 0-10 eskalan zehaztu behar da, 1125/2003 EDan ezarritakoaren arabera kalkulatuta. Ikaslea atzerriko sistema batetik badator, **atzerrian egindako ikasketen batez besteko notaren baliokidetzak agiri aurkeztu beharko da**. Agiri hori Hezkuntza eta Lanbide Heziketako Ministerioaren webgunearen bidez eskatu behar da.

Gainditutako gai/irakasgaien batez besteko nota modu haztatuan kalkulatu beharko da kasu guztietan, honela: gainditutako gai/irakasgaien ECTS kredituen edo kreditu baliokideen batura, horietako bakoitza gai/irakasgaiari dagokion kalifikazioaren balioarekin biderkatuta, eta guztia zati gai/irakasgai horien ECTS kredituen edo kreditu baliokideen kopuru osoa.

- c) Dokumentuen itzulpena. Administrazio Publikoen Administrazio Prozedura Erkideari buruzko 39/2015 Legeko 16.1 artikulua araber, dokumentazioa Euskal Autonomia Erkidegoaren bi hizkuntza ofizialetako batean aurkeztu behar da, euskaraz edo gaztelaniaz. Hortaz, bat etorrita prozedura horiei dagozkien arauak diotenarekin, prozeduretan ondorioak izan behar dituzten agiriak atzerrian emandakoak badira, euskara edo gaztelaniara egindako itzulpen ofiziala aurkeztu beharko da.

Itzulpen ofiziala egin dezake: zinpeko itzultzaile batek, behar bezala baimendua edo Espainian inskribatuta dagoena; edo espainiar estatuak atzerrian dituen ordezkari diplomatiko edo kontsularretako batek; edo eskatzailearen hiritartasunari edo dokumentuaren jatorriari dagokion herrialdeak Espainian duen ordezkari diplomatiko edo kontsularrak.

- d) Dokumentuak legeztatzea:

- Ez da inolako legeztatzerik eskatzen Europar Batasuneko estatu kideetan edo Europako Esparru Ekonomikoari buruzko Akordioa sinatu duten estatuetan emandako dokumentuetarako.
- 1961eko urriaren 5eko Hagako Hitzarmena sinatu duten herrialdeetan emandako dokumentuak: nahikoa da herrialdeko agintari eskudunek emandako legeztatze bakarra edo "zigilua".
- Andrés Bello hitzarmena sinatu duten herrialdeetan emandako dokumentuak (Andrés Bello Hitzarmeneko Hezkuntza ministroen XIX. Bileran onartutako 006/98 Erabakia, 2. artikuluko 6. atala): bide diplomatikoz legeztatu behar dira.
- Gainerako herrialdeetan emandako dokumentuak: bide diplomatikoz legeztatu behar dira.
- Beste herrialde batzuek Espainian dituzten agintari diplomatiko edo kontsuletxeek emandako dokumentuak Kanpo Harremanetako Espainiako Ministerioan legeztatu behar dira.

6. Bi hizkuntza ofizialetako batean, gaztelania edo euskara, **B2** mailaren parekoa den jakite mailaren egiaztagiria, **unibertsitate aurreko ikasketak espainiar lurraldetik kanpo edo gaztelania hizkuntza ofizial ez den herrialdeetan**

egin dituztenen kasuan.

Lekualdaketa Medikuntzako Gradua euskaraz egiteko bada, euskarako B2 mailaren parekoa den jakite mailaren egiaztagiria aurkeztu beharko da, edo Batxilergoko ikasketak euskaraz egin direla egiaztatzen duena.

7. Eskaera bera edo inguruabarrak justifikatzeko aurkeztu nahi den beste edozein dokumentu.

2. artikulua.- Eskaera onartzeko gutxieneko baldintzak

Ikastegiak eskaria tramitatzeko, beherago zehazten diren baldintzak bete beharko dira. Baten bat betetzen ez bada, eskaera atzera botako da.

1. Prozeduratik kanpo geratuko dira eskaera hauek:
 - a) **Epez kanpo** aurkeztutakoak. Eskaerak aurkezteko epea 2026ko ekainaren 11tik 30era bitartekoa izango da.
 - b) **Bide elektronikotik egin ez direnak** edo agiriak aurkezteko epea igarota agiriren baten faltan daudenak.
 - c) Jatorrizko titulazioa eta helburukoa berdina ez direnean. Lekualdaketa onartuko da bakar-bakarrik jatorrizko titulazioa eta helburuko titulazioa berberak direnean.
 - d) **UPV/EHUⁿ Jarraitzeko Arauak** betetzen ez dituzten ikasleen eskaerak.
 - e) Baldintza hau betetzen ez duten eskariak: jatorrian **60 ECTS** kreditu gaindituta izatea, **edo horren parekoa den maila oso bateko kreditu, ordu zein irakasgai kopurua** jatorrizko erakunde akademikoan, UPV/EHUko Medikuntza eta Erizaintza Fakultatean eskaintzen den titulazioetako batean (Medikuntza, Odontologia, Erizaintza eta Fisioterapia).
2. Eskaera aurkeztu ahal izango da **soilik fakultateak eskaintzen dituen plazetarako**, Medikuntza eta Erizaintza Fakultatearen webgunean argitaratuko den deialdiarekin bat etorrira.
3. Ez da onartuko graduetakoren lehen mailarako lekualdaketa eskaerarik.
4. Lekualdaketarako plaza dela eta, ikasleari atxikiko zaion maila izango da jatorrian 30 ECTS kreditu edo gehiago gainditu gabe dituen mailaren hurrengoa edo goragokoa. Ez da onartuko eskaerarik jatorrizko unibertsitatean egindako azken maila baino beheragoko maila baterako (esate baterako, ez da onartuko bigarren maila egiteko lekualdaketarik baldin eta ikasleak 30 ECTS baino gehiago baditu gaindituta jatorrizko bigarren mailan).
5. **Unibertsitate aurreko ikasketak Espainiatik kanpo egin dituzten eskatzaileek** hizkuntza ofizialetako batean (euskara edo gaztelania) **B2 mailaren**

parekoa den jakite mailaren egiaztagiria aurkeztu beharko dute. Jakite maila hori ez dute egiaztatu beharko gaztelania hizkuntza ofiziala den herrialdeetakoek.

6. UPV/EHUko Medikuntza eta Erizaintza Fakultatearen titulazioetako lehenengo mailan sartzeko eskaria handia denez, lekualdaketarako eskaera ez da onartuko **1. fasean lekualdaketarako onarpen nota (LON) gutxieneko nota baino txikiagoa bada** (kasuan kasuko graduako lehen mailan ohiko bidetik sartzeko behar izan zen nota eskatzaileak unibertsitatean sartzeko ebaluazioa edo proba baliokidea egin zuenean). Horretarako, aplikazio informatikoak honela kalkulatu du LON: **LON = GON + T ; GON:** gradurako onarpen nota, arautegi honetako 1. artikuluko 4. eta 5. puntuetan azaldu den moduan; **T:** titulaziorako koefizientea (**T = 1,0 Medikuntza, Fisioterapia eta Odontologiarako; T = 3,0 Erizaintzarako**); NECTS: jatorrizko titulazioan gainditu diren nahitaezko gai/irakasgai guztien ECTS kredituen edo kreditu baliokideen batura; eta IECTS: jatorrizko titulazioan maila bat osatzeko behar diren ECTS kredituen edo kreditu baliokideen kopurua guztira (Europako Unibertsitate Eremuan IECTS = 60). NECTS eta IECTS kalkulatu dira arautegi honetako 1. artikuluko 5.b puntuan azaldu den moduan. Gainera, jatorrizko titulazioko mailetan kreditu kopurua beste bat bada, IECTS kalkulatzeko kontuan hartuko da jatorrian egindako mailen dagozkien kreditu kopuruen batez bestekoa. Dena den, **NECTS/IECTS koefizientea gehienez ere 2,5 izan daiteke.**

Eskaera ez da onartuko LON nota gutxieneko onarpen nota baino txikiagoa bada. Gutxieneko nota hori izango da eskatzaileak unibertsitatean sartzeko ebaluazioa edo gradurako azken proba espezifikoa egin zuen urtean EHUk argitaratu zuena modu ofizialean (kupo orokorreko ikasleek kasuan kasuko ikasketak egiteko izan zutena). Bi proba horietako notak kontuan hartuta, eskatzailearentzat komenigarriena dena aukeratuko da. Unibertsitatara sartzeko proba gradua ezarri aurretik egin bazen, **kalkulurako erabiliko den gutxieneko onarpen nota izango da gradua EHUn ezarri zen urtean unibertsitateak argitaratu zuena modu ofizialean (kupo orokorreko ikasleek kasuan kasuko ikasketak egiteko izan zutena).**

7. Erizaintzako Graduaren kasuan, beste unibertsitate batzuetatik EHUra lekualdatzeko espedientea gaindituta izan behar dira nahitaezko praktika klinikoak: 2. mailara sartzeko, gaindituta izan behar dira 1. mailako praktikak (6 ECTS); 3. mailara sartzeko, gaindituta izan behar dira 1. mailako (6 ECTS) eta 2. mailako praktikak (12 ECTS). Ez da eskaria izapidetuko baldin eta eskari egileak ez baditu gainditua hemen zehaztutako praktiketako kreditu guztiak, nahiz eta gainerako irakasgaiak baliozkotuta izan.

3. artikulua.- Eskaerak hautatu eta antolatzeko irizpideak

Lekualdaketetarako eskaerak egiteko epea ireki baino lehen emango da argitara fakultatearen webgunean Medikuntza, Odontologia, Fisioterapia eta Erizaintzako graduetako maila bakoitzean gehienera baimenduko den plaza kopurua. Kopuru hori zehaztuko da kontuan hartuta maila bakoitzean 2026/2027 ikasturterako ofizialki aurreikusiko den matrikula eta ikastegiko titulazioetan onar daitezkeen ikasleen gehieneko kopuru ofiziala, betiere bat etorrira titulazio bakoitzerako EHUko Gobernu Kontseiluak onartutako kopuruekin.

Gradu eta Graduondoko Ikasketen Gestiorako Arautegiaren arabera (II. kapituluko 14. artikulua), 971/2007 Errege Dekretuan definitutako goi mailako eta errendimendu handiko kirolarien eskaerek lehentasuna izango dute kasuan kasuko ikasketetan lekualdaketetarako dauden plazak esleitzeko. Ezarritako epetik kanpo, esleitu gabeko plaza hutsak geratu direnean baino ez dira onartuko era honetako lekualdaketak.

2. artikuluko baldintzak betetzen dituzten eskaerak lehentasun irizpide batzuen arabera baloratuko dira, lehia dagoen kasu guztietan (eskaera baliodunak eskainitako plazak baino gehiago direnean). Fakultateak irizpide hauen arabera ordenatuko ditu baldintzak betetzen dituzten eskariak: **$LN = GON + 0,5 \cdot NN \cdot F$**

LN: lehentasun nota

GON: gradura sartzeko nota , arautegi honetako 1.4. artikuluan azaldutako prozedurari jarraikiz (agiria aurkeztu behar da).

NN: jatorrizko titulazioan gainditu diren nahitaezko gai/irakasgaien batez besteko nota, haztatuta ECTS kredituen edo kreditu baliokideen kopuruaren arabera, arautegi honetako 1. artikuluko 5.b puntuan azaldu den moduan (agiria aurkeztu behar da).

$F = \text{NECTS} / \text{NGuzECTS}$ hauen arteko zatiketa da: jatorriko titulazioan gainditu diren nahitaezko gai/irakasgai guztietako ECTS edo kreditu baliokideen batura (NECTS), zati jatorrizko titulazioko ECTS edo kreditu baliokideen guztizkoa (ECTSGuz).

NECTS eta titulazio osoko ECTS edo kreditu baliokideak kalkulatzeko jarraituko zaio arautegi honetako 1. artikuluko 5.b puntuan azaldu den prozedurari (agiria aurkeztu behar da). Ikastegiak baldintzak betetzen dituzten eskaerak ordenatuko ditu, LN handienetik txikienera (bi dezimalekin), eta lekualdaketetarako eskainitako plazak lehentasunen ordena horren arabera esleitu dira, gehieneko eskaintza bete arte.

Ez dira ikasturte bakoitzean eskainitako plazak baino gehiago esleitu, nahiz eta

gutxieneko baldintzak betetzen dituzten eskatzaileak egon zerrendan.

4. artikulua.- Erabakia, jakinarazpena eta matrikula

Behin-behineko erabakia idatziz baino ez da jakinaraziko, ikastegiaren webgunearen bidez. Onartutako ikasleei jakinaraziko zaie zein izango den une horretatik aurrera jarraitu beharreko prozedura, fakultatean ikasten hasteko. Ikasleak plaza lortuz gero, espediente akademikoa lekuz aldatu beharko da. Tramite hori jatorrizko ikastegiak edo unibertsitateak egin beharko du, interesatuak EHUn onartua izan dela egiaztatu ondoren. Lekualdaketa EHUn ikastegi batetik beste batera egin bada ikasketa berberekin jarraitzeko, erabilitako deialdiak espediente berrian jasota agertuko dira, baina, edozelan ere, horrelakoetan, ikasleak bermatuta izango ditu bi deialdi gutxienez.

Behin espedienteak lekuz aldatuta, eskatzaileak aurretiko matrikula egiteko eskaera egin beharko du webgunean argitara emandako data baino lehenago, eta bertan adieraziko ditu eginak dituen eta baliokidetu nahi dituen ikasketa planeko irakasgaiak. Behin fase hau ebatzita, irailean zabalduko da epea matrikula ikastegiko idazkaritzan egiteko .